


卧龍崗志



臣人
龍岡志

蓋聞樓名黃鶴人傳崔顥之詩
滕王世羨子安之序富春山外共指
巖陵彭澤湖邊相傳西里彼守人詞
賦尚而口食千年隱士風流猶能聲
留奕世况休之王佐寧比尋章摘句
之流侃、賢臣豈並忘世逸名、

序

也哉有如南陽臥龍岡南襟清池直
瀉荆襄北障豐山遙連嵩洛雲飛荒
隴相隣先武之臺日落煙林不遠五羊
之墓是以賢人遊北壑擇林泉名世潛
踪偶棲畝畝了百風雲既會魚水相親
蓄以內聖外王之資裝為緯地經天

之用功侔伊呂智歷蕭曹錦城樹墮淚
之碑恩遺西蜀州廬傳抱膝之處祠
達南陽彼地固藉人傳然名必因文
著爾延彼都士子異域游人莫不談西
表而含悲悵三分而遺恨携尊弔古
率多題壁之人躡屐登臨大有懷忠之

序

句以致碑銘林王製作雲蒸因每慮夫
勝地不帶零落荒煙蔓草佳章無
考淒涼斷簡殘編故誌三顧之遺踪並
集諸家之錦繡壽之梨棗豈沽名哉
播於寰區以公世耳

告

康熙歲次壬辰春日都守袁平羅景

星瞻氏題



庚

三



南陽古宛邑北通河洛南控荆襄山環水帶鍾靈人材昔東漢世祖發軔於此而雲臺勲業半屬宛人誠名勝之區也所以四方賢士恒多招隱於此郡之西七里有臥龍崗遠接太行之脉起伏蜿蜒橫亘於清水西北崗上名山四曠叢木陰翳其中膏陌連綿甘泉泃澈耕鑿於此者皆淳樸有上古之風於是瑯琊諸葛孔明避地於茲因擇居焉迨後昭烈三顧遂起南陽興扶漢室其功業又在雲臺諸公之上矣因而臥龍崗志

序

宛之士人懷德立祠以存當日草廬遺跡及其歷代紛更變遷靡常至於明季流氛荼毒城郭丘墟林木灰燼將數千年名勝之地使煙霞失色山水改容而抱膝長吟之處遂爲枕戈牧馬之場良可慨也

國朝守牧諸公雖間有重新之舉皆稍事修補而已求前此之宏敞規模邈不可得矣家星瞻五兄來守南陽思重複舊制因疏募闔省僚案共勲盛事辛卯秋僕赴選長安道經宛邑得瞻武侯遺像時土木尙未

告成見夫朽棟頽垣蕪徑瓦礫殘碑遺文多爲苔蘚
剝落間有模糊莫辨者嗟嗟千古勝地名存實亡至
此乎雖曰地以人傳無勞點綴然非祠無以留其跡
非文無以誌其勝祠宇今將宏敞矣碑碣復爲移置
矣但百年之後滄海乎桑田乎又安可保耶使後世
繼志者舊制既不可考碑文又莫可辨則千年遺跡
不幾于湮沒也歟臥龍崗志烏可闕哉五兄善余請
遂博採郡書廣搜輿志繕其碑文集其詩賦海寧梁
臥龍崗志

序

二

子青吟繪圖繪像俾後世知有所本余亦佐勦其事
纂輯成帙付梓壽世斯舉也不獨誌勝表忠即前此
者得此志而名益彰後此者觀此志而考有由也襄
平羅鈞固菴氏題於南陽郡署



臥龍崗志卷之一

襄平羅 景星瞻父輯

弟 鈞固菴父校

武侯起自隆中。輔佐昭烈。南定荆襄。西平巴蜀。後奉命討賊。六出祁山。遺蹤足述。幾半天下。今特錄其出處之地。勝跡數則。餘不載。

勝跡

臥龍崗

臥龍崗志

卷之一 勝跡

一

在南陽府城西南七里。起自高山之南。綿亘數百里。至此截然而住。如巢然。草廬在其內。即侯躬耕處。舊為祠以奉之。嘗有道士居。夜聞兵聲。懼而移之。

諸葛井

在崗前。淵然溥深。曰諸葛井。青石為牀。有汲纒渠。百十道。數不能竭。

三顧橋

在南陽府城外。西南三里許。離臥龍崗亦三里許。
漢昭烈帝三顧草廬。經此因名。

卧龍崗志目錄

上卷

卧龍崗總圖

忠武侯祠圖

三顧祠圖

諸葛書院圖

卧龍書院圖

忠武侯像

卧龍崗志

目錄

進

卧龍崗勝跡

詩

賦

贊

下卷

祭文

忠武侯祠碑文


書院碑文


募疏

臥龍崗志

目錄

四






臥龍崗志

臥龍崗總圖

蟠伏崇崗西接太行之脉虹飛素練南歸江漢之源
 綠此地靈故生人傑功延漢鼎因崇祠宇千年事記
 豐碑共誌草廬三顧田疇隔水雲樹参天城郭埋烟
 閭闔撲地門外躬耕多士孰繼前賢堂中抱膝無人
 空餘勝跡






臥龍崗志

忠武侯祠圖

樹議祠功創自晉隆之表遣官致祭繼傳嘉靖之年
 碧榭雕欄自是成由勅建花榭鴛瓦由來功極人工
 然而滄海桑田盈虛有數唐陵宋寢興廢靡常遂令
 奕世人龍風殘雨蝕以致千秋俎豆孤走鳥啼今特
 重整于工師還奉當時舊制并繪圖于簡冊以為後
 世規模






臥龍崗志

諸葛書院圖

諸葛書院創自元至大二年程鉅夫作記逮於明末
 為流寇焚燬廢為牧馬之場康熙庚午前郡守朱璘
 重建至今幾二十年復摧殘為丘墟惟存後閣上供
 文昌茲仍其舊制而葺理一新耶存遺跡以垂不朽





臥龍崗志


三顧祠圖

八

地因三顧名遂千秋枉駕隆中史美求賢之切應徵
 帝胄功標繼絕之崇魚水相歡固所願也君臣合祀
 不亦宜乎

三顧祠





臥龍崗志

卧龍書院圖

舊諸葛書院在武侯祠左余欲廣大之為教育人材之所嗣因堪輿之說及郡之紳士之請因建書院於祠前置講堂兩序後營數椽以供炊爨書院成因以臥龍名焉



忠 孝 廉 節



臥龍崗志

十

致身自忠定亂自奮功著
三分名彰千古華楚渭濱
易地皆然彼管仲樂毅又
何足數襄平羅景

真靜